





痢

陳良甫治一婦人病痢疾。越四十日。服諸藥不愈。召診之。六脈沉弱。大凡下痢之脈。宜沉宜弱。但服十全大補湯。量

棗煎。或加白蜜半匙。再煎數沸。服之而愈。良方醫說續編

一婦人泄瀉不止。似痢非痢。似血非血。且色如濁酒。診之則六脈沉絕。醫用熱藥。及丹藥服之。則發煩悶。乃先用

敗毒加陳米煎。用次胃風湯加粟米愈。

泊宅編云。仇祐自殿監遷入座。母夫人病痢。諸藥不效。令李昂筮軌。草有真人指靈草之語。一日登對。上訝其色。瘁

具以實奏。詔賜一散子。數服而愈。仍喻只炒椿子熟末。米飲下。

薛立齋治司馬王荆山患痢後重。服枳殼檳榔之類。後重益甚。食少腹痛。此脾傷而虛寒也。用六君子。加木香炮薑

而愈。

祠部李宜散患血痢。胸腹膨脹。大便欲去不去。肢體殊倦。以為脾胃虛弱。不能攝血歸原。用補中益氣湯。加茯苓半

夏。治之漸愈。後因怒。前證復作。左關脈弦浮之按微弱。此肝氣虛。不能藏血。用六味治之而愈。

朱丹溪治一老人。年七十。面白脈弦。數獨胃脈沉滑。因飲白酒作痢。下淡水。水固後腹痛。小便不利。裏急後重。麥木

為君。甘草滑石檳榔木香蒼木為佐。下保和丸二十五丸。次日前證俱減。獨小便不利。以益元散服之而愈。平治會萃

薛真自患痢。召曹醫不記入視。曹診御畢。方奏病證。未有所處。慈明立御榻後。有旨呼曹防禦官家。啜得感應丸。否曹

連呼啜得啜得。慈明又諭須是多把與官家。曹承教旨。對以須進二百丸。遂止。曹時坐籬黨被譴。痢止遂於元降

秩上。曹曾三秩。後真皇不豫久。謂左右曰。惟曹某知我性急。召入診說。嗚咽不勝。上曰。想是脈兒不好也。曹出自